



04.02.2012.թ

Արեւմտյան Հայաստանի Կտարանդի Կառավարությունը մեկ տարեկան է

Հարգելի բարեկամներ

2011 թվականի փետրվարի չորսը դարձավ պատմություն:

Իրավականորեն վերականգնվեց Հայոց Պետականությունը Հայաստանի Արեւմտյան հատվածում, Արեւմտյան Հայաստանի Կառավարությունը իրականություն է եւ փաստ: Մենք փշրեցինք ներքին եւ արտաքին կարծրատիպերը, դուրս եկանք անպարտելի Հռչակագրով, Մշտական, զինված, դրական Չեզոքության ծրագրով եւ միանգամից մխրճվեցինք պատմության մեջ կանգ առած հատվածում եւ առաջացրեցինք շարժում պատմականորեն չլուծված Հայկական հարցի շուրջ:

Ստիպեցինք բացել փակված պատմության այն էջը, որը բոլորը հիշում են միայն որպես դառը, ողբերգական դաս:

Հավատալով, Հայ Աստվածների զորության կանչին Մասեաց ու Նեմրութ սարերից, լսելով Հայ Նահատակների ոգու կանչը՝ ստացանք Հայա Աստվածների տիեզերական ուժականությունը, որը հնարավորություն տվեց մեզ հայոց գերխնդիրը դարձնել լսելի:

Արդեն մեկ տարեկան ենք: Արեւմտյան Հայաստանի Կառավարությունը մեկ տարվա ընթացքում կատարել է բավականին մեծ աշխատանք, կազմվել են մի շարք հանձնաժողովներ, շրջանառության մեջ են դրվել հրամանագրեր, կատարվել է աշխատանք ՄԱԿ-ի կազմակերպության շրջանակներում:

Հաստատվել է Արեւմտյան Հայաստանի Պետական Դրոշը՝ հաղթական, որն իր վրա է կրում Հայոց պետականության հաստատման անցյալը, ներկան եւ ապագան:

Շուտով հանրությանը լսելի կդառնա Արեւմտյան Հայաստանի Օրհներգը:

2011 թվականի Հուլիսին Արեւմտյան Հայաստանի Ազգային Խորհրդի Իրավաբանական հանձնախմբի նիստը որոշում ընդունեց Արեւմտյան Հայաստանի Կառավարության Կրթության եւ գիտության հանձնախմբի հաստատման մասին: Հանձնախումբը նպատակ ունի իրականացնել ծրագրեր, որոնք առաջին հայացքից թվում են անիրական, սակայն ժամանակի ընթացքում կներգրավվեն հանրության լայն շրջանակների կողմից, որոնք անմիջականորեն կապված են Հայոց լեզվի եւ կրթության, հայեցի դաստիարակության խնդիրների հետ:

Արեւմտյան Հայաստանի Կառավարության Կրթության եւ գիտության հանձնախումբը պատրաստում է աշխատանքներ կրթության եւ դաստիարակության ոլորտում: Կծավալվեն գաղափարախոսական աշխատանքներ, հոդվածներ եւ հեռուստատեսային ուսումնական հաղորդումներ, այդ աշխատանքները կտարվեն Արեւմտյան Հայաստանի առանցքային գաղափարախոսության՝ Առաքելականության, Արիականության, Բանախոսության, Լուսավորչականության եւ Բարեպաշտության շրջանակներում:

Արեւմտյան Հայաստանի Վտարանդի Կառավարությունը մեկ տարեկան է, բայց այսօր մենք նշում ենք նաեւ հազարամյա Հայոց պետականության վերածնունդը: Արեւմտյան Հայաստանի Կառավարության Կրթության եւ գիտության հանձնախումբը ողջունում եւ շնորհավորում է Արեւմտյան Հայաստանի Կառավարության հիմնադիր նվիրյալներին, Հայ ժողովրդին, Հայկական լեռնաշխարհին՝ Արեգակի, Կրակի ու Լույսի, Սիրո ու Հավատարմության, Մաքրության, Ճշմարտության ու Լիության գաղափարները կրողին՝ հայորդուն...

Մենք գնում ենք հայեցի հաղթանակի ճանապարհի եւ Հայոց պետականությունների վերամիավորմանը: Հայոց պետության վերակերտումը անբեկանելի եւ անանցելի է Հայոց լեռնաշխարհում:

Մենք Միասին ենք կերտելու մեր հաղթանակը:

Մենք Միասին ենք:

**Արեւմտյան Հայաստանի Կառավարության Կրթության եւ գիտության հանձնաժողովի
պատասխանատու՝
Կարինե Հայրապետյան**

Արեւմտյան Հայաստանի Լուսավորչական Կոմիտե

stat.gov.wa@haybachdban.org